



Broj: 06-04-42543-43/23
Sarajevo, 17.10.2023.godine

SKUPŠTINA KANTONA SARAJEVO
-OVDJE-

Predmet: Izjašnjenje na zastupničku inicijativu zastupnice Smiljane Viteškić. dostavlja se

Zastupnica Smiljana Viteškić je na Devetoj radnoj sjednici održanoj dana 03.10.2023. godine, u okviru tačke Dnevnog reda "Poslanička/zastupnička pitanja, inicijativa i odgovori" uputila zastupničku inicijativu, koja glasi:

"Upućujem inicijativu Ministarstvu za boračka pitanja i Ministarstvu zdravstva Kantona Sarajevo te JU Dom zdravlja Kantona Sarajevo da po hitnom postupku da saglasnost za uspostavu ambulanti za veterane odbrambeno-oslobodilačkog rata 92-95 sa ciljem unapređenja zdravstvene zaštite boračke populacije.

Образложење:

Obzirom da je Ministarstvo za boračka pitanja Kantona Sarajevo uz saradnju sa Ministarstvom zdravstva Kantona Sarajevo, a uz saglasnost JU Dom zdravlja Kantona Sarajevo za uspostavu pet ambulanti i to OJ Stari Grad, OJ Centar, OJ Novo Sarajevo, OJ Novi Grad te OJ Ilidža te krenulo u realizaciju projekta otvaranja ambulanti za veterane odbrambeno-oslobodilačkog rata 92-95 sa ciljem unapređenja zdravstvene zaštite boračke populacije, što je za svaku pohvalu i na tome Vam iskreno čestitam. Međutim, zahtjevam isti tretman i za sve druge OJ Kantona Sarajevo."

Na pokrenutu zastupničku Inicijativu dajemo slijedeće

I Z J A Š N J E N J E

Ministarstvo za boračka pitanja Kantona Sarajevo je u okviru Prijedloga mjera za unapređenje kvaliteta života građana Kantona Sarajevo u domenu braniteljsko-invalidske zaštite predložilo srednjoročne mjere koje se između ostalog odnose i na poboljšanje i unapređenje zdravstvene zaštite braniteljske populacije kroz otvaranje veteranskih ambulanti pri domovima zdravlja.

Napominjemo da šehidske porodice i porodice poginulih branitelja, ratni vojni invalidi i demobilizirani branitelji, u okviru zdravstvenih institucija po već uspostavljenom sistemu, ostvaruju prednost prilikom obavljanja pregleda, a uspostavom veteranskih ambulanti ovaj sistem će se unaprijediti i ova populacija će na jednom mjestu moći efikasno i ekspeditivno ostvariti uslugu zdravstvene zaštite u okviru domova zdravlja.

U tom smislu Ministarstvo za boračka pitanja Kantona Sarajevo uputilo je inicijativu JU "Dom zdravlja Kantona Sarajevo" da omogući formiranje veteranskih ambulanti čime bi primarna zdravstvena zaštita braniteljske populacije bila značajno unprijedena.

Vezano za navedenu inicijativu, ističemo da je za početak predloženo da se veteranske ambulante formiraju u domovima zdravlja na području četiri gradske općine i na Ilidži, a nakon što se aktivnosti navedenog projekta završe, ovo Ministarstvo će uputiti inicijativu da se veteranske ambulante formiraju i u domovima zdravlja na području preostale četiri općine Kantona Sarajevo, a sve u cilju pružanja braniteljskoj populaciji odgovarajućih zdravstvenih usluga.

S poštovanjem.

Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3,
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.

